



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 12 Б А С П А С Ө З Р Е Л И З І

ҚР Ұлттық Банкі

«Сертификатталған исламдық банкир»

халықаралық тренинг бағдарламасын өткізеді

2015 жылғы 11 ақпан

Алматы қ.

Исламдық қаржыландыру жөніндегі мамандар үшін Қазақстан Республикасының Ұлттық Банкі 2015 жылғы 9-13 ақпан аралығында «Certified Islamic Banker» халықаралық тренингін өткізеді.

Халықаралық тренингті Ұлттық Банк ТМД елдерінің орталық банктері және реттеушілері, сондай-ақ басқа қаржы мекемелері үшін Ислам Даму Банкінің қолдауымен Ислам Банктері мен Қаржы Институттарына арналған Кеңеспен (General Council for Islamic Banks and Financial Institutions – CIBAFI) бірлесіп алғаш рет өткізіп отыр.

CIBAFI – Исламдық қаржы индустриясын дамытуға, оның ішінде заңнама мәселелері бойынша консультациялар өткізу, адам капиталын дамыту, зерттеулер, тренингтер өткізу, сондай-ақ тұтастай алғанда ислам қаржысы туралы хабардар болуды арттыру арқылы дамытуға бағытталған халықаралық орган.

Тренинг исламдық банкинг саласындағы біліктілікті және кәсібилікті арттыруға арналған, сондай-ақ қатысушыларына исламдық қаржы транзакциялары, исламдық банк жүйесі, исламдық инвестициялық операциялар мәселелерін зерделеуге мүмкіндік береді. Тренинг исламдық банкинг саласындағы теориялар мен практикалық мысалдарды пайдалана отырып, интерактивті нысанда өтетін болады. Тренинг қорытындысы

бойынша қатысушыларға сертификатталған исламдық банкирлердің (Certified Islamic Banker – CIB) дипломдары берілетін болады.

«Сертификатталған исламдық банкир» тренинг бағдарламасы Қазақстанның және өңірдің исламдық қаржылық қызметтер индустриясында адам капиталын дамытуға бағытталған кәсіптік бағдарламалардың бірі болып табылады. Тренинг жұмысына Қазақстан, Қырғыз Республикасы, Ресей, оның ішінде Татарстан, Тәжікстан және Түркия орталық банктерінің және қаржы институттарының өкілдері қатысатын болады.

Анықтама үшін:

Ислам Банктері мен Қаржы Институттарына арналған Кеңес (General Council For Islamic Banks And Financial Institutions – CIBAFI) 2001 жылы құрылған халықаралық ұйым болып табылады. CIBAFI бас офисі Бахрейн Корольдігінде орналасқан. CIBAFI қызметі әлемде исламдық қаржылық қызметтер индустриясын дамытуға бағытталған. CIBAFI нарыққа қатысушыларды, халықаралық үкіметаралық ұйымдарды, кәсіптік компанияларды және қауымдастықтарды қамтитын 28 юрисдикцияның 110 мүшесінен тұрады.

2009 жылы Қазақстан Республикасында Исламдық қаржыландыру жөніндегі заң қабылданды, оған сәйкес ислам банктерінің, исламдық инвестициялық қорлардың жұмыс істеуі, исламдық бағалы қағаздарды шығару үшін жағдайлар жасалған. 2011 жылы мемлекеттік исламдық бағалы қағаздарды шығару мүмкіндігін көздейтін, сондай-ақ Қазақстан Республикасының резиденттері шығаратын исламдық бағалы қағаздар оригинаторларының тізбесін кеңейтетін заң қабылданды. Исламдық қаржыландыруды, сақтандыруды және лизингті дамыту үшін ҚР Ұлттық Банкі «Қазақстан Республикасының кейбір заңнамалық актілеріне сақтандыру және исламдық қаржыландыру мәселелері бойынша өзгерістер мен толықтырулар енгізу туралы» заң жобасын әзірледі. Қазіргі кезде аталған заң жобасы ҚР Парламентінде талқылануда.

Қазақстан Республикасының Үкіметі Исламдық қаржыландырудың дамытудың 2020 жылға дейінгі жол картасын бекітті, оны іске асыру исламдық қаржылық қызметтер индустриясын тұрақты дамыту үшін жағдайлар жасауға, эмитенттердің, инвесторлардың және нарыққа қатысушылардың шекті массасын құруға ықпал ететін болады.

Толығырақ ақпаратты мына телефондар бойынша алуға болады: +7 (727) 2704 639, +7 (727) 2704 585, +7 (727) 3302 497, e-mail: press@nationalbank.kz, www.nationalbank.kz.